

ქალაქ თბილისის მუნიციპალიტეტის საკრებულოს სპორტისა

და ახალგაზრდულ საქმეთა კომისიის

სხდომის ოქმი

N40

12.07.2024 წელი

13:00 საათი

ქალაქ თბილისი, თავისუფლების მოედანი N2

საკონფერენციო დარბაზი

მიმდინარე წლის 12 ივლისს, 13:00 საათზე, ქალაქ თბილისის მუნიციპალიტეტის საკრებულოს ორი კომისიის გაერთიანებული სხდომა გაიმართა.

სხდომას ესწრებოდნენ ამავე საკრებულოს სპორტისა და ახალგაზრდულ საქმეთა კომისიის წევრები: გურამ ოქროპირიძე (კომისიის თავმჯდომარე), გივი ჩხარტიშვილი (კომისიის წევრი), ვლადიმერ ზოჯაძე (კომისიის წევრი) და ანა კილაძე (კომისიის წევრი).

სხდომას ესწრებოდნენ აგრეთვე: ქალაქ თბილისის მუნიციპალიტეტის მერიის საფინანსო საქალაქო სამსახურის უფროსის მოადგილე ლევან მიქავა, საკრებულოს წევრები და ქალაქ თბილისის მუნიციპალიტეტის საკრებულოს აპარატის თანამშრომლები.

სხდომის უფლებამოსილება განისაზღვრა სპორტისა და ახალგაზრდულ საქმეთა კომისიის 4 (ოთხი) წევრის დასწრებით.

სხდომის დღის წესრიგი:

1. ქალაქ თბილისის მუნიციპალიტეტის 2024 წლის ბიუჯეტის დამტკიცების შესახებ" ქალაქ თბილისის მუნიციპალიტეტის საკრებულოს 2023 წლის 15 დეკემბრის N33-89 დადგენილებაში ცვლილების შეტანის შესახებ" ქალაქ თბილისის მუნიციპალიტეტის საკრებულოს დადგენილების პროექტი (საფუძველი წერილი #12-032419312-03, 11.07.2024წ.).  
მომხსენებელი - ლევან მიქავა, ქალაქ თბილისის მუნიციპალიტეტის მერიის საფინანსო საქალაქო სამსახურის უფროსის მოადგილე.

სხდომა წარიმართა განათლებისა და კულტურის კომისიასთან ერთად.

კომისიების გაერთიანებულ სხდომას უძღვებოდა სპორტისა და ახალგაზრდულ საქმეთა კომისიის თავმჯდომარე გურამ ოქროპირიძე.

ქალაქ თბილისის მუნიციპალიტეტის საკრებულოს სპორტისა და ახალგაზრდულ საქმეთა კომისიის წევრთა მიერ მოწონებულ იქნა და ერთხმად დამტკიცდა სხდომის დღის წესრიგი.

მოისმინეს

ქალაქ თბილისის მუნიციპალიტეტის 2024 წლის ბიუჯეტის დადგენილების პროექტში შესატანი ცვლილებების შესახებ ინფორმაცია, კომისიას, ქალაქ თბილისის მუნიციპალიტეტის მერიის საფინანსო საქალაქო სამსახურის უფროსმა წარუდგინა.

ლევან მიქავა - მოგესალმებით, რამდენიმე მიმართულებით იზრდება 2024 წლის ბიუჯეტის მოცულობას, ეს გახლავთ ქონების გადასახადი, რომელიც იზრდება 20 000,0 ათასი ლარით, ხოლო დამატებული ღირებულების გადასახადი - 10 000,0 ათასი ლარით, ჯარიმები იზრდება - 5 000,0 ათასი ლარით, პროცენტები იზრდება - 300,0 ათასი ლარით, გრანტები - 73,0 ათასი ლარით, ასევე საქართველოს რეგიონებში განსახორციელებელი პროექტების ფონდიდან გამოიყო - 12 000,0 ათასი ლარი, რომელიც ბიუჯეტში აისახება, ხოლო არაფინანსური აქტივების კლებიდან მისაღები შემოსავლები - 1 083,0 ათასი ლარის ოდენობით იზრდება. ჯამში ბიუჯეტის მოცულობა იზრდება 48 456,0 ათასი ლარით და შეადგენს 2 058 335,6 ათას ლარს.

ბიუჯეტით განსაზღვრული მატება გადანაწილდა შემდეგ პროგრამებში: გზების მშენებლობა და აღდგენას ემატება - 6 300,0 ათასი ლარი, საქალაქო სამგზავრო ტრანსპორტის სუბსიდია იზრდება - 4 400,0 ათასი ლარით, ავარიული სახლების ჩანაცვლების პროგრამა - 5 000,0 ათასი ლარით, რაიონებს ჯამში ემატება 23 000,0 ათასი ლარი, სპორტული ღონისძიებები იზრდება - 650,0 ათასი ლარით, ახალგაზრდული ღონისძიებების ხელშეწყობა - 300,0 ათასი ლარით, პანთეონების მოვლა პატრონობა - 100,0 ათასი ლარით, კულტურის დაწესებულებების მატერიალურ-ტექნიკური ბაზის გაუმჯობესება - 200,0 ათასი ლარით. ეს გახლავთ მოკლედ ის ძირითადი პროგრამები, რომელსაც ბიუჯეტის ცვლილებით ემატება თანხები.

სხდომა კითხვა პასუხის რეჟიმში წარიმართა, მომხსენებელმა დასმულ კითხვებს ამომწურავი პასუხი გასცა.

**სხდომის თავმჯდომარემ კენჭისყრაზე დააყენა:**

ქალაქ თბილისის მუნიციპალიტეტის 2024 წლის ბიუჯეტის დამტკიცების შესახებ" ქალაქ თბილისის მუნიციპალიტეტის საკრებულოს 2023 წლის 15 დეკემბრის N33-89 დადგენილებაში ცვლილების შეტანის შესახებ" საკითხი,

მომხრე - გურამ ოქროპირიძე, გივი ჩხარტიშვილი, ვლადიმერ ბოჭაძე, ანა კილაძე - (4),

წინააღმდეგი - (0),

თავი შეიკავა - (0).

ქ. თბილისის საკრებულოს სპორტისა და ახალგაზრდულ საქმეთა კომისიამ ხმათა უმრავლესობით გადაწყვიტა:

ქალაქ თბილისის მუნიციპალიტეტის 2024 წლის ბიუჯეტის დამტკიცების შესახებ" ქალაქ თბილისის მუნიციპალიტეტის საკრებულოს 2023 წლის 15 დეკემბრის N33-89 დადგენილებაში ცვლილების შეტანის შესახებ" ქალაქ თბილისის მუნიციპალიტეტის საკრებულოს დადგენილების პროექტი გატანილ იქნეს საკრებულოს სხდომაზე განსახილველად.

*სხდომის თავმჯდომარემ სხდომა დახურულად გამოაცხადა.*

სხდომის თავმჯდომარე:



გურამ ოქროპირიძე